



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XCIV. Otto Barstorp vorkaufft In disem brieue dem Closter zu der
Himmelpforten den dritten teyll an der Dorffstat Gramptze vnd der halben
habell vor 63 Mark an guten Berlinischen pfennigen.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

XCIV. Otto Barftorp vorkaufft In difem brieue dem Clofter zu der Himmelpforten den dritten teyll an der Dorfftat Crampze vnd an der halben habell vor 63 Mark an guten Berlinifchen pfennigen.

Vor allenn Christenn ludenn, dy deffenn brieff feenn edder horenn lefenn, Bekenne Ik Otto Barftorp Inn deffem minem Jegenwerdigenn openbrieue, datt ick mitt minenn rechtenn eruenn, dy nu findt vnd nakamenn möghenn, dem Erwerdigenn Hern, Hern Hinrick, Abbethe, vnd deme gantzenn Conuente deff Closters thu der Hemmelporthenn vorkofft hebbe vnd Jegenwerdich vorkope In kraft deffels breuefs datt druddendeill an der Dorpfede vnd feltmarke tho Crampze mitt aller thobehoringe, Alfe mitt tinfenn, Renthenn, vlytten vnd wathernn, mitt Ackernn, wifchenn, weydenn, holtenn gewunnenn vnd vngewunnenn, mitt allenn Inflötten vnd vflotenn, mitt allenn vruchtenn vnd nut vnd thobehoringenn vnd datt druddendeill ann der haluenn Hauete mitt allefs, wefs dar Inne vnd vp waffett edder velt, bett dar datt landt kerett, ninerleye Dingk vthgenhamenn, Alfs Ik dattfulue druddendeill der dorpfede vnd feltmarke mitt aller fiener thobehoringenn, mitt minen rechtenn eruenn funder Jengerleye hinder edder Infall fredestenn befeiten vnd gehatt hebbe. Vor ditt vorschreuen guds vnd druddendeill der vorgeantenn dorpfede vnd feltmark hefft my de vorbenomede herre vnd fyn Conuent gegeuenn dry vnd föftich mark ann gudenn Berlinfchenn penningenn, de In myn vnd miner rechtenn eruenn nuth vnd framen gekamen findt. Desse vorbenomede kop de schall tho Ewigenn tidenn deme Conuente tho der Hemmelporthenn bliuenn, Vnd Ik beholde my vnd minenn rechtenn eruenn vnd nakomlingenn an der vorbenombdenn dorpfede vnd feltmarke nichtes. Ock will Ick mitt minenn rechtenn eruenn vnd schall deme Abbete vnd Conuente vorbenumbt eine rechte were weseñ vor alle de Jenenn, de vor recht kamenn willenn vnd rechtels ghenetenn vnd entghelenn willenn. Ock de pacht vnd vpboringe, de vann der Erghenantenn feltmarke vnd dorpfede velt, dy hefft de Abbett vorbenumbt deme Conuente tho der Hemmelporthenn kofft vnd ghegeuenn, de nu findt vnd nakamenn mögenn, Inn deme Aduentu vnd Inn der Vastene tho höre, vppe datt de Alweldige, milde, Barmehertighe Gott Inn sineme ouerfenn trone mitt alle finen leuenn hilgenn vorbatt vnd vlitelker vann en Inn denn hilgenn tidenn benedighet vnd ghelouett werde. Werett datt ok Inn deffem Jegenwerdigenn brieue walt vorkumett were an wordenn In deffenn vorschreuen Artickell vnd stücke etc. — vnd ein Iflick artickell vnd stücke by sick fuluenn, laue Ik Otto Barftorp mitt minenn rechtenn eruenn deme Abbete vorbenumbt vnd Conuente tho der Hemmelporthenn stede vnd vaste tho holdende, funder Jengerleye recht, hulperede, nye funde, hinder, Infall edder Argelift, de deme Abbete vnd Conuente tho der Hemmelporthenn mögenn tho hinder edder tho schadenn kamenn. Tho grother bewaringe vnd kantnisse hebbe Ik Irgenante Otto Barftorp mitt witschop vnd willenn myne Ingefegell ghehengett vor deffenn myneñ openn brieff. Vnd Ik Bolde Barftorp hebbe ock ouer deffenn kope minels vedderenn ghewest. Thu groter tugniffe vnd bewaringe deff vorschreuen Ding hebbe Ik mitt witschop myne Ingefegell lathenn hengenn an deffenn apennbrieff. Ouer deffenn kope findt gheweist thu tuge de Erwerdigenn Teniefs Ortike, Hanfs Godeke, Henning Danquart, Hanfs smet, Hanfs Grolle vnd völe mehr andernn, dy louenwerdich findt. Ghegeuenn vnd geschreuen tho Barftorpe, na Gadefs geborth vierteinhundert Jar, darna Inn deme dre vnd virtigestenn Jarenn, an Sunte Seruatius dage, deff Hilgenn Bischopps.

Auscultata et Collationata est hec presens Copia cum suo vero Originali per me Erasmus Seidell, supradictum Notarium publicum, et concordat cum eodem de verbo ad verbum, quod attestor hac mea manu propria.